











李綱上三策

臣愚以謂今日之策有三。上策莫如親征。講求真廟幸澶淵故事。選將勵兵。躬臨訓練。降詔問罪。涓日啓行。以懼戎心。以鼓士氣。此上策也。中策莫如堅守。夫京師天下之根本也。宗廟社稷朝廷宮室之所。在百官之所聚。密邇陵寢。中四海而臨萬邦。高城深池。有金湯之險。聯營環衛。有虎豹之師。運漕東南。以足財用。控制西北。以威夷狄。天下無二舍。此安。固。宜。堅。守。之。計。勵士民之心。效死為期。無毫髮欲去之意。既務鎮靜。又施權謀。遣帥出師。分屯鄰近要害之地。翼衛帝室。設便犬羊之衆。敢肆憑陵。當如周亞夫禦七國之策。堅壁勿戰。以挫



孫鑄曰  
避之禍言  
之鑿

其鋒待其糧竭氣衰邀其歸路多設方畧一鼓破之此中策也下策  
為避狄之計如太王去邠而居岐臣有所不忍言狀道塗閭巷之人  
戶知之臣亦疑聖意或出於此何哉此者不議河北守臣而先議東  
南守臣一也遣使分其諸路兵而不起淮浙兵二也按攔汴汴舟艦  
三也遣收四也為此策者雖足以紓一時之急狀知其利而不知其  
害臣竊痛曾不深計而談念之也事勢一去不可復振臣恐京師朝  
行而夕亂其禍可勝言哉陛下雖命皇太子遣收以監之何補於事  
是不若儲行之愈也必不得已臣有愚計陛下欲行避狄之計而命  
皇太子留守以係人心以捍大敵以保陵寢宗廟社稷是也而遣以



予坤曰綱  
 意本不欲  
 去誠假太  
 子位踰則  
 雖去猶未  
 去也

為牧非也。本朝及唐故事。皇帝行幸郡國。則皇太子監國。此特國家  
 閒暇之時。典禮如此。今大敵入寇。天下震動。安危存亡。在呼吸間。而  
 用平時典禮。可乎。名分不正。而當大權。稟命則不威。專命則不孝。何  
 以踰。召天下率勵豪傑。與之以死。抗敵。期成功於萬分之一。哉。唐明  
 皇避安祿山之難。而入蜀。父老擁馬。乞留太子。以討賊。而肅宗有靈  
 武之立。勢不得不然。當時之議。曾不早定。後世惜之。陛下度今日人  
 心。已搖。可以與之共患難。而堅守則守。而勿去可也。度不能守。則胡  
 不假皇太子以位。踰使為陛下保守宗社。收將士心。以死捍賊。臣竊  
 觀皇太子仁孝。夙成。恭儉好學。四海屬心。如臣之計。天下可保。在此



一舉夫父子之間人所難言。況今日之事。寧復有大於此者乎。臣素愚直。感戴大恩。所以不避重誅。為陛下言此者。欲陛下深思而定之於早也。

鍾惺曰。避狄之計。原非綱之得已。朕萬不得已而為避狄計。則審時觀變。其勢又不得不出於假太子以位。弼也。綱實救時濟變之才。而微欽用而不盡其北轅之禍。豈不宣哉。



李綱奏之策

金人貪婪無厭。恃已甚。其勢非用師不可。且敵兵踣六萬。而吾勤王之師。集城下者已二十餘萬。彼以孤軍入重地。猶虎豹自投檻穽。中當以計取之。不必與角。一旦之力。若扼河津。絕饗道。分兵復畿北。諸邑而以重兵臨之。營堅壁勿戰。如周亞夫。所以困七國者。俟其食盡。力疲。狀後以一檄取之。書復三鎮。繼其北。歸牛渡而擊之。此必勝之計也。

鍾惺曰。此絕妙方畧。惜宋氣自餒。不克舉行。徒使中原瀕喪。二聖蒙塵。可勝歎息。







李綱論今日不可為退避之計

陛下慨出英斷將親搃六師以臨大江虜之退屈已在目中。然厚謂解難亂紛糾者不控拳救圍者不搏搢批亢擣虛形格勢禁則自為解耳。昔人用兵多出於此。魏趙相攻齊師救趙田忌引兵以過大梁則魏兵釋趙而自救齊師大破之於馬陵。兵家形勢旋古已然。今偽齊悉兵南下其境內必虛而岳飛新立功於襄陽其威名已振亦既班師屯於武昌偽齊必不虞其再至也。陛下僅降明詔遣岳飛以全軍間道疾趨襄陽更摘湖南北驍將銳兵為之繼援命信臣總統乘此機會擣穎昌以臨畿甸電發霆擊出其不意則偽齊必大震懼呼

孫鑲曰誠如此行恢復中原有餘



還醜類以自營救。王師追躡必有可勝之理。此舉非惟牽制南牧之兵。亦有恢復中原之屯。此上策也。朝廷或以茲事體大。饋餉之費。調發之煩。倉卒未能辦集。則鑾輿駐蹕江上。勢須蹕召上流之兵。如岳飛。王瓌。及湖南北諸將部曲。除留屯外。各摘精銳軍馬。盡集官私舟船。逐路應副。錢糧命將統率。順流而下。旌旗金鼓。千里相望。以助聲勢。則敵人雖衆。豈敢南渡。仍詔韓世忠。劉光世。帥其全師進屯淮南要害之地。設奇邀擊。絕其糧道。賊必退遁。保全東南。徐議攻討。此中策也。萬有一借親征之名。為順動之計。委一二大將捍敵於後。則臣恐車駕既遠。蹕令不行。諸將無應援協濟之謀。卒伍有潰散標掠之



勢。士氣既索。人心不固。控扼一失。其守賊得乘間深入。州縣望風奔潰。其為吾患有不可勝言者矣。此最下策也。鍾惺曰。高宗有臣如此。而甘心退避。畏虜如虎。亦可謂下愚不移者矣。







鍾惺曰使  
自為守策  
是救時急  
著後文亦  
痛亦建此  
議

# 李綱論守備之策

為今日守備之策。當以河北河東之地。建藩鎮。立豪傑。使自為守。朝廷量以兵力援之。而於沿河沿淮沿江。置帥府要郡。以控扼脩城池。備器械。屯兵聚糧。堅壁清野。教車戰。以禦其奔衝。習水戰。以擊其濟渡。使進無所掠。退不得歸。則其勢必不敢深入。至於陵邊隅。破城邑。則不能保其必無也。但能備禦。今冬不至越軼。使國勢漸定。人心稍安。則自此得益。修軍政。吾無患矣。臣料金人秋夏之交。決須再來。仍分為兩道。由河東來者。自京西以擾關中。與夏人連謀。欲窺川陝。由河北來者。自京東以擾淮南。與高麗連謀。欲窺江浙。則京西陝右京



東淮南不可不為之防。當擇大帥屯重兵以經畧之。譬猶治病。當視脈息。察邪氣之所入。預遏絕之。不朕待其既至而後治。則無及已。茅坤曰。觀其布局之妙。虜情與天下形勢已了。朕於胸中矣。不可謂非豪傑之士。



趙鼎請車駕幸洛表

天地之德。螻蟻莫不顧忌。鑾輅所臨。臣民以為至幸。情甚衆以難抑。聽雖高而必從。敢冒昧於譴訶。冀露陳於悃愾。竊以成周舊宅。不改山川。有宋別都。具嚴篲鑰土。殿中於諸夏。日尤近於長安。當關寶蓋。極之初六。飛天降。迨景德承平之後。萬乘雲從。草木尚被於佳氣。父老猶談於盛事。禮曠焉其斯久。民望之而其勤。起修厥章。宜在茲日。恭惟陛下。盡循堯道。丕顯文謨。力追三代之純。躬軼百王之盛。治無細而不舉。功有難而必成。薄四海無障戾之虞。環九州皆冠帶之域。載惟立愛。尤切奉先。南面而朝。感春秋霜露之降。西風所暨。念祖考



弓劍之藏。既出。綽以戒期。將消辰而展事。陵園動色。如喜翠華之來。京邑相趨。咸願屬車之覩。而況閔宮肅設。儼列曜之睟容。禁宇崇成。煥中天之寶構。宜輟勤於乃顧。庶深慰於斯民。伏願陛下俯獎恍辭。仰開睿聽。既竭孝思之奉。特迂輦路之觀。覲四后以省方。御三川而問俗。靈河達砥柱之險。遠懷有夏之功。溫洛通汴水之波。遙念元豐之績。臣等幸承官乏。獲採輿言。冀聞清蹕之音。克効前驅之役。庶幾洛下共償此日之心。遂使周南無復晉人之頌。鍾惺曰。只以陵寢與民情感動之。別有啓沃。



等中曰矢  
口而談能  
不避諱真  
奇士也

陳東乞復李綱舊職

在○廷○之○臣○奮○勇○不○顧○以○身○任○天○下○之○重○者○李○綱○是○也○所○謂○社○稷○臣○也○  
其○庸○繆○不○才○忌○嫉○賢○能○動○為○身○謀○不○恤○國○計○者○李○邦○彥○白○時○中○張○邦○  
昌○趙○野○王○孝○迪○蔡○懋○李○稅○之○徒○是○也○所○謂○社○稷○之○賊○也○陛○下○斷○狀○不○  
疑○拔○綱○於○九○卿○之○中○不○一○二○日○任○為○執○政○中○外○相○慶○知○陛○下○能○任○賢○  
矣○斥○時○中○而○不○用○知○陛○下○能○去○邪○矣○綱○任○而○未○專○時○中○斥○而○未○去○復○  
相○邦○彥○又○相○邦○昌○自○餘○又○皆○擢○用○何○陛○下○之○任○賢○猶○未○能○勿○貳○去○邪○  
猶○未○能○勿○疑○乎○今○又○聞○復○罷○綱○職○事○臣○等○驚○疑○莫○知○所○以○邦○彥○等○享○  
高○爵○厚○祿○為○日○家○久○坐○視○天○下○之○弊○未○嘗○肯○發○一○言○以○圖○補○報○至○如○



王黼童貫蔡攸○共興北師○唯鄭居中力爭○以為不可輕舉○而王安中者○力贊其役○邦彥等輩○畧不可否○於其間○實陰助黼○以貽今日之禍○陛下新即寶位○遽有變亂之虞○邦彥等不引咎歸己○自求貶放○而尚偃蹇固位○忌賢嫉能○陛下若聽其言○斥綱不用○則宗社存亡○未可知○且虜人既和之後○尚敢縱兵肆掠○屠我畿內犬羊之性○急則搖尾○緩則跳梁○聞陛下任綱○自知滅亡○無日○請和之意○必更激切○而邦彥等乃得藉口○以沮成謀○綱羅命一傳○士大夫失色○兵民騷動○至於流涕相吊○咸謂不日為虜擒矣○則是陛下罷綱○非特墮邦彥等計中○又墮虜計中也○聞邦彥等尚執前議○必欲割地與之○曾不知祖宗土地得



之○甚○難○況○河○北○實○朝○廷○之○根○本○而○三○關○四○鎮○實○河○北○之○根○本○若○棄○三○  
關○四○鎮○是○棄○河○北○若○棄○河○北○則○朝○廷○復○可○都○大○梁○乎○綱○孤○立○無○助○天○  
下○共○知○其○可○以○大○用○頃○歲○京○師○大○水○自○宰○相○大○臣○下○及○百○官○爭○占○舟○  
船○或○結○木○楫○為○進○水○計○獨○綱○慷○慨○為○上○言○之○至○為○姦○臣○譖○逐○數○年○不○  
用○前○日○邊○報○初○至○宰○相○骨○肉○盡○皆○出○奔○獨○綱○妻○孥○未○嘗○遷○徙○陛○下○方○  
深○顧○北○之○憂○左○右○無○一○人○為○陛○下○請○行○者○綱○獨○奮○軀○以○身○任○之○綱○之○  
用○心○可○見○矣○若○綱○用○兵○小○挫○遂○當○廢○罷○則○童○貫○創○開○邊○隙○以○貽○今○日○  
之○禍○近○又○引○兵○數○十○萬○以○事○雲○中○之○役○幾○於○匹○馬○隻○輪○無○還○者○朝○廷○  
曾○不○議○貫○之○罪○何○綱○小○挫○而○加○罪○乎○



鍾惺曰。憤激不平之言。大為忠臣吐氣。宋朝不為無人。使東等俱  
在顯位。又何憂虜患哉。



張浚論絕歸正人有六不可

國家自南渡以來兵勢單弱賴陝西及東北之人不忘本朝率衆歸附以數萬計臣自為御營參贊軍事目所親見後之良將精兵往往當時歸正人也三十餘年捍禦力戰國勢以安今一旦遽絕之事有大不可者此令一下中原之人以吾有棄絕之意必盡失其心一也人心既變為敵為讎內則為虜用外則為我敵二也今日處分既出聖意將見淮北之人無復渡淮歸我者人迹既絕彼之動息無自而知間探之類孰為而遣三也中原之人本吾赤子今陷於虜三十餘年日夜望歸如子之仰父母今有脫身而來者父母拒而棄絕之不

傷鼻曰胸  
中看國勢  
人情不  
家精透不



能發如此  
議論

事申曰處  
置與得宜

得衣食天理人情皆所未順四也。自往歲用兵大軍奔馳疾疫死亡  
十之四五。陛下慨念及此。既望諸將各使招募。若淮北之人不復再  
渡。所募之卒何自而克五也。尋常諸軍招江浙一卒之費不下百緡。  
而其人柔弱多不堪用。若非取兵淮北。則軍旅之勢日以削弱六也。  
臣自叨任使事。即為二說以盡其情。其一山寨之首領來歸。厚加犒  
勞。使持帛書復姓撫諭。本處山寨令各安居。毋種。毋輒生事。以待王  
師。其二許令克應萬弩之選。若有官借補之人不肯與效用。為列。即  
以忠義從軍之名處之。各令準備。差出間探。及學習弓弩。以就行列。  
今近二百餘人。其攜家而來者。老弱不任軍用。則令撥荒田。借資錢。



糧俾為死守之計。若果絕之。人心一失。大事去矣。  
鍾惺曰。自古英雄舉事。莫不以人心為重。魏公眷眷於此。實一時  
之俊傑也。







白時  
事報危二  
謫寫出

張浚辭免都督江淮軍馬表

江淮重寄。猥出異恩。犬馬餘生。益安微分。輒上臣愚之請。未蒙制可。之音伏念。臣少不如人。老將及耄。一士賢百萬之衆。素乏脩能。百里半九十之時。仍當末路。倘進退不懲。於迷復。則鬼神將害於福。謙顯罹責。諛之言重玷并色之度。况明光之詔。雖陳於別塞。而赤白之囊。不徹於甘泉。今屯已固於長城。申命何資於錫鉞。伏望陛下。擴日月之獎。推天地之恩。俯憐視蔭之幾。何特加全護。不憚出綸之惟反曲。賜優容。

鍾惺曰。魏公一時人望。而臨事諄諄辭免。則當時信任之不專可。



想見矣。



宗澤建炎元年奏

茅坤曰庸  
臣誤國情  
態可恨如  
此

臣○伏○見○我○國○家○承○平○幾○二○百○年○數○世○戴○白○之○老○不○識○兵○革○上○下○恬○嬉○  
猶○夷○度○日○不○復○以○權○謀○戰○爭○為○念○乃○以○賊○虜○誕○謾○為○可○憑○信○朝○廷○恬○  
視○不○少○置○疑○不○惟○不○曾○教○人○坐○作○進○退○擊○刺○挽○射○之○伎○俾○嚴○攻○討○其○  
間○有○寔○欲○賈○勇○思○敵○所○愾○之○人○士○大○夫○不○以○為○狂○則○以○為○妄○因○循○苟○  
且○以○致○賊○虜○顛○越○不○恭○遂○有○前○日○之○禍○臣○不○勝○憤○恨○眈○茲○非○賊○虜○之○  
能○也○皆○由○亡○誠○寔○之○士○鼓○唱○驕○逸○率○以○歛○迹○逃○避○曲○辱○不○耻○為○智○為○  
勇○耳○萬○一○有○慷○慨○論○列○則○掩○耳○不○聽○別○造○佞○說○以○相○浮○動○茲○無○他○大○  
抵○只○欲○助○賊○張○皇○散○勢○直○為○我○祖○宗○一○統○基○業○更○不○當○顧○藉○直○兩○手○



今付與賊虜耳。嗟乎！何不忠不義之甚也！臣每思念涕泗交下。繼之以血。此天地神明之所昭鑒。臣恭惟淵聖皇帝靖康之初。信此和議。俾賊大獲而歸。去冬與今春夏。賊虜猖獗。大臣柔邪。諛佞蓄縮。畏避者不敢畧有抗拒語。但詭譎為誠寔。色藏為智謀。緘默為沉鷙。遂致二聖蒙塵。后妃親王與無辜之人。流離北去。想陛下龍潛濟鄆。嘗親聞見張邦昌耿南仲輩所為也。陛下入繼大統。即將前主和議者竄之嶺外。使天下冤抑之氣一旦舒快。自後臣竊聞陛下日與二三大臣論思講畫。必欲大雪我廟朝之耻。激勵卒伍。勸率義仕。俾思勦絕以正夷夏。不意陛下復聽姦邪之語。又浸漸望和迂回曲折為退走。



孫鑄曰英  
雄之氣千  
古如見

計○臣○願○陛○下○試○一○思○之○陛○下○初○陟○位○何○故○以○講○和○為○非○逐○當○時○議○臣○  
陛○下○近○日○又○何○故○只○信○憑○姦○邪○與○賊○虜○為○他○日○之○畫○營○繕○金○陵○迎○奉○  
元○祐○太○后○仍○遣○省○官○迎○奉○太○廟○木○主○棄○河○東○河○西○河○北○京○東○京○西○淮○  
南○陝○右○七○路○千○百○萬○生○靈○如○糞○壤○草○芥○略○不○顧○恤○比○賊○虜○遣○姦○狡○小○  
醜○假○作○使○偽○楚○為○名○來○覘○我○大○宋○虛○實○臣○見○如○是○因○納○諫○狀○與○留○守○  
范○納○乞○收○賊○虜○奉○使○之○人○置○之○牢○狴○奏○取○朝○廷○指○揮○庶○激○軍○民○士○庶○  
懷○寬○之○心○俾○肯○力○戰○仰○贊○陛○下○再○造○王○室○中○興○大○宋○基○業○之○意○今○却○  
令○遷○置○別○館○優○加○待○遇○臣○奉○此○詔○命○憂○思○涕○泣○心○欲○折○死○不○知○二○三○  
大○臣○何○為○干○賊○虜○情○款○如○是○之○厚○而○於○我○國○家○訐○謨○如○是○之○薄○臣○每○



思京師人情物價漸如我祖宗時若銓駕一歸則再造之功與中興之烈必赫奕宏大跨商周而越漢唐矣何姦邪之臣尚徂和議皇惑聖聰伏望陛下察之臣之樸愚不敢奉詔以彰國弱此我大宋興衰治亂之機也臣願陛下思之陛下果以臣言為狂願盡賜褫削投之死之異囑臣之子記臣之言力請回駕亟還京關上念社稷之重下慰黎民之心命將出師大震雷霆之怒救焚拯溺出民水火之中夙荷君恩敢忘尸諫願昂法座無由再望於清光枯朽微生從此永辭於宸衷

鍾惺曰宋始終貪於和議者只是庸主無大志畏難苟安圖僥倖



於一時也。不朕何見如此痛切。如此憤激之言。而毫不動心也。







岳飛論恢復疏

金人所立劉豫於江南蓋欲荼毒中原以中國攻中國粘罕因渴  
休兵觀釁臣欲陛下假臣月日便則提兵趨京洛據河陽陝府潼關  
以蹕召五路叛將叛將既還遣王師前進彼必棄汴而奔河北京畿  
陝右可以盡復狀後分兵濟滑經畧兩河如此則劉豫成擒金人可  
滅社稷長久之計實在於此舉

鍾惺曰凡英雄舉動過人者蓋胸中有成竹耳武穆胸中成算如  
此其戰必勝攻必取夫豈僥倖哉







岳飛謝講和赦表

武勝之國軍節度使開府儀同三司湖北路宣撫使兼營田大使  
臣岳飛上表言。今月十二日。准進奏院遞到赦書一道。臣已即恭率  
統制領將佐官屬等。望闕宣讀。訖觀時制。變仰聖哲之宏規。善勝不  
爭。寔帝王之妙算。念此艱難之久。姑從和好之宜。睿澤誕敷。輿情胥  
悅。臣飛誠歡。誠忭。頓首頓首。竊以婁敬獻言於漢帝。魏絳發策於晉  
公。皆盟墨未乾。顧口血猶在。俄驅南牧之馬。旋興北敗之師。益夷虜  
不情。犬羊無信。莫守金石之約。難充谿壑之求。圖豐安而解倒垂。猶  
之可也。顧長慮而尊中國。豈其狀乎恭惟皇帝陛下。太德有容。神武

陳仁錫曰  
字子諤刺



不殺。幹乾之健。行巽之權。務和衆以安民。廼講信而修睦。已漸還於境。主想喜見於威儀。臣幸遇明時。獲觀盛事。身居將闡。功無補於涓埃。口誦詔書。面有慚於軍旅。尚作聰明。而過慮。從懷猶豫。而致疑。謂無事而請和者。謀恐卑辭。而益幣者。進臣願定謀於全勝。期收地於兩河。唾手燕雲。終欲復讐。而報國。誓心天地。當令稽顙。以稱藩。鍾惺曰。言極正。詞極婉。心雖拂鬱。而無一痕怨懟牢騷之色。意雖激烈。而無一毫武夫矜橫之氣。千古純忠之人之文也。末數語任而不讓。不獨有其志。寔有其才。



婁寅亮請選太祖諸孫疏

先正有言太祖舍其子而立弟此天下之大公周王薨章聖取宗室  
育之宮中此天下之大慮也仁宗感悟其說詔英祖入繼大統文子  
文孫宜君宜王遭罹變故不斷如帶今有天下者獨陛下一人而已  
屬者椒寢未繁前星不耀孤立無助有識寒心天其或者沃戒陛下  
追念祖宗公心長慮之所及乎崇寧以來諛臣進說獨推濮王子孫  
以為近屬餘皆謂之同姓遂使昌陵之後寂寥無聞奔迸藍縷僅同  
民庶忍祀豐於昵仰違天監太祖在天莫肯顧歆是以二聖未有回  
鑒之期金人未有悔禍之意中原未有息肩之日臣愚不識忌諱欲



乞陛下於子行中遴選太祖諸孫有賢德者視秩親王俾牧九州以  
待皇嗣之生退處藩服并選宣祖太宗之裔材武可稱之人升為南  
班以備環衛庶幾上懌在天之靈下係人心之望

鍾惺曰此宋朝天理人心之言不意自一上虞亟發之亦奇矣



虞允文論江上事宜

臣在采石○揆知逆亮引兵會於淮東○見開河於第二港○決艾陵之水○  
通出船筏○以窺京口○因李顯忠到軍○即與商量○令移時俊軍於馬家  
渡○而顯忠兼守之○輟李捧一全軍○又分采石戈船百艘○來援京口○督  
府又留楊存中○邵宏淵同力防托○庶保萬全○蓋臣以諸處揆報○知虜  
兵不多於官軍○但彼合而我分○故強弱之勢○遂若相異○自虜得兩淮○  
其兵力漸分○而糧草乏絕○人馬多病死○故急急於采石之戰○既已大  
敗○又將徵幸於瓜州○今我之精兵聚於京口○持重以待之一戰而勝○  
逆亮遁歸○無疑矣○臣每聞士夫之論○謂采石渡○礮砂夾馬家渡○大城



堙皆可為憂。臣因親行江上，知其說有不狀者。蓋虜自和州可以出舟於大江者，止有一楊林河與采石河相對而已。餘皆下流，別無河道可與大江相通。近李顯忠遣人深入，探得楊林河中，見今別無虜船。又官軍戰艦皆守河口，則下流諸渡非所憂也。方逆亮住和州，窮日夜之力以造船，意謂必有大過人者。故采石初戰時，官軍所用船纔五之二，以其三寘上流。及天色垂暮，虜敗而走，又不敢大段追襲者，防其戰艦或出於不測也。今乃止百十小舟，殊無籠蓋遮掩。如州縣渡口所用者，便欲以當官軍戈船。臣知其伎倆已盡，無能為矣。初虜涉淮，不旬日直抵大江之北。臣詢之將士，質之道路之言，皆云劉



確如此



影確

錡王權未嘗敢與虜敵相接。遂巡引避。有一日數百里者。非戰而不勝之罪也。以此月八日之戰。當諸軍扶傷奪氣之餘。而藍將已去。新將未至。正人情危疑中。尚能大破賊軍。亟走虜酋。使建康蕪湖間民皆莫居者。士卒竊倚王人為重。得以肆力於一戰也。自李顯忠到軍。臣與之歛。知其忠義。敢前無彼我。心往時見士夫憂其反覆。以臣觀之。能立大功。以報陛下者。必此人也。臣願以身保之。今淮西之地。雖云不守。而廬濠等州山水寨。民兵多存。近又漸復。無為軍巢縣一帶。已令池州官軍分屯守之。則裕溪大信口。無虜船可入。池黃之境。可固。而采石上下。必保無虞。臣竊料之。只得京口一捷。則江口之憂可



去○而○兩○淮○之○復○戾○可○不○至○其○費○兵○力○矣○

鍾惺曰○人皆薄書生○得乞文○可為書生吐氣矣○





茅坤曰昔  
人云去河  
北賊易去  
朝廷朋黨  
難與此語  
同一悲憤

虞允文請以一定之說收不世之功

臣既聞虜中之亂虜兵在中原者不多實天相陛下恢復之時而形  
勢便利莫如陝西兩日來吳拱出示吳隣三書謹錄進呈臣觀其書  
意知虜為甚怯知其兵為可用知民心為已歸知糧道可以取乏於  
西人又知其疾之已去老之可憂而自勉於一舉而臣所不知者朝  
廷怯於立事和戰未決尚以為疑也臣博采輿論謂中原之虜不多  
必無深入之憂若且令董庠以本管兵守淮東郭振以四統制兵守  
淮西趙構駐信陽李道迪新野唐鄧之間各因其險而固守勿與虜  
戰因得息兵以待用先令吳拱選精兵二萬人從鄧州路與王彥會



於商州以萬人守潼關使河南之虜不能進兵以援長安又以萬人與彥合力進討而吳璘姚仲擁大兵而出西人知朝廷大舉唱義而應者必甚於今日官軍聲震關輔則寶雞之虜知其無援又為西人之所共棄若不請降亦必引兵度河而去國家得於此時收兵籍馬因長安之糧而取河南因河南之糧而會諸軍以取汴則兵力全而可以省諸道之運至如兩河之地因民之心可傳檄而定矣

鍾惺曰此等方畧皆聚千百策士而不輕易得一二者也使英主遇之取其數語便可收不世之功而宋自有之自失之可奈何



雷觀乞擇相

臣友生高閔之言曰。天下之利害。當使天下之人議之。天下之人得  
以利害之言。盡聞於上。則當言之人。雖欲緘默。以容不可得也。言官  
得以盡其職。則執政之臣。雖欲擅權。為姦不可得也。當今弊急。止一  
言而已。論相是也。國家崇寧以來。相非其人。姦術之火。著假紹述二  
字。而行已之作為假國。是二字。以主已之好惡。假享上二字。以逞已  
之私。欲進直言者。以狂妄斥。立正論者。以邪說禁。善阿諛者。以純正  
用。敗法亂紀。靡所不為。致黜虜幾危社稷。陛下即位以來。見於施為。  
慨朕有求治之心。而論相之職。亦未為稱。以臣所謂當今之急務也。



茅坤曰老  
好卿愿之  
智一口道  
破

白時中老繆無用罷相之日公議稱快咸謂陛下必能擇賢而相之  
乃思通選李邦彥張邦昌爾士大夫皆言二人亦前日輔相之無狀  
者審其指術不過持而可以固養恩寵而已臣又慮有為陛下言者  
必曰邦彥邦昌曩在政府亦嘗以燕雲不可圖童貫不可再造今果  
如其說義當相之臣以謂不然二人在政府日果知如此則當力陳  
不可至不見聽則以死繼之繼未能死則宜引去朕卒持祿不諍不  
過畏童貫之禍也今日之禍皆前日肉食者之過豈可不擇人而用  
之乎

鍾惺曰以一太學敢於論相宋朝猶自有人



